

BENEDICTI IVSTINIANI <sup>2</sup>  
E SOCIETATE IESV

O R A T I O

HABITA AD COLLEGIVM  
CARDINALIVM

IN FVNERE INNOCENTII IX.  
*Pont. Max. vi. Idus Ianuarij .*  
*M. D. XCII.*



ROMÆ, Apud Ioannem Martinellum. 1592.

SUPERIORVM PERMISSV.

MAINTENANCE WORK

HABITATA AD COLLEGIUM

# BENEDICTI IVSTINIANI E SOCIETATE IESV

## O R A T I O.



**E**X TREMI, ac prope iam præcipitantis anni superioris exitum PP. AA. INNOCENTII Pont. Opt. Max. subita, atque inexpectata mors, & quod caput est, non huic Vrbi solum, sed orbi Christiano vniuerso, tristis, ac luctuosa funestauit: huius insequentis exordium, hæc sollemnis cenotaphij pompa, hæc sepulchrales faces, lugubris morientium psalmodia, istius Ordinis solitudo, ac mæror, Urbis squallor, & lacrymæ, hic denique parentantium apparatus, non sine gemitus, ac lamentatione consueuerunt. Fuerant hæc olim ipsius immortalis DEI inter homines nascentis incunabulis, diuinique eius quasi rorantis sanguinis prima effusione initiata; quæ merito beatarum mentium gratulatione, pastorum veneratione, ac plausu, ipso denique Magorum aduentu, longaq. peregrinatione celebrata, ingenti cum gaudio, ac totius Christiani populi exultatione, anniuersaria commemoratione reuocabantur. Verum, non dicam extrema tam solidi, ac veri gaudij, sed ipsam exorientem lætitiæ materiam anteuertens, omnem animi nostri sensum, ac motum luctus occupauit: quod ipse etiam Sol princeps luminum reliquorû, qui toto ferme Innocentij Pontificatu, quasi mortalibus tam singulare, diuinumq. bonum gratularetur, clariori luce omnia complens, terris affulserat; ipso deinde decumbente (si tamen in re tam graui, atq; hoc augustissimæ Christi ani orbis Senatu, poetarum more libeat ominari) cæcis, ac densis nubibus obductus, iubar omne contraxit; mox etiam, eo iam vita functo, lento quodam imbre, quo veluti communi Ecclesiæ calamitati illacrymari videbatur, non obscura significatione declarauit. Adeo nunc vere, atque ex animo cum patientissimo, eodemq. sanctissimo viro dicere possumus, versum esse in luctum cytharam nostram, & psalterium in vocem fletum. Viderat non ita pridem hæc Basilica Principis Apostolorum INNOCENTIVM hexaphoris elatum, aurata sella, pontificia thiara, auro, gemmisq. coruscante, ceteris deniq. Pontificatus insignibus tam-

quam alterum inter mortales Deum in vestro PP. AA. quasi diuorum concilio refulgentem. Viderat Roma, atque incredibili omnium ordinum, ac ætatum acclamatione, & plausu exceperat per Urbem ad Lateranenſem Baſilicam equitantē, & ante paucos dies ſacroſancta illa ſeptem præcipua templa pie, ac religioſe obeuntē, & feliciter, atque auſpicato initi Pontificatus fructum ſperabat ampliſſimum. Sed ecce tibi (o ſpes hominum fallaces, atque inanes cogitationes) eundem omnes primum quidem graui, ac periculoſo morbo laborantem, non ſine dolore audiuiſimus; deinde etiam exanimem vidimus redactum in eorum ordinem, ac numerum, qui moriuntur omnes, & quali aquæ dilabuntur; & de Pontificij ſaſtigij celſitudine, ac maiestate in ſqualentis, tumuli pœdorem, horroremque deiectum. Magnum omnino, ac memorabile humanæ imbecillitatis, & cuncta cernētis Dei, occultoq. iudicio res humanas adminiſtrantis documentū, paucorum menſum ſpatio, tres ſummos Pontifices ita Pontificatum geſſiſſe, vt ſibi viui, ac videntes funeris pompam apparare, & tam clariſ inſignibus, velut infulis velati ad mortem deſtinari viderentur. Faceſſat iam peruetuſta Platoniorum querela, diuinam prope animi noſtri vim, quam ipſi diuinitatis particulam appellarunt, mortali, terrenoq. corpore incluſam, corporcis affectionibus ſubiacere: illud equidem vehementer admittor, ita hominum animos hac rerum caducarum externa ſpecie, ac ſuco deliniri, voluptatum illecebris irretiri, ſenſuum lgnocinijs capi, dignitatum, atque honorum fulgore perſtringi; vt quem ad exitū vniuerſa feſtinent; quem ad ſcopulum quæcunq. admirantur, ac ſuſpiciunt homines, allifa tandem frangantur; quas in tenebras, ac ſolitudinem, ſiue generis claritudo, ſiue nominis, ac famæ celebritas redigenda ſit; quantam denique inopiam, atque egeſtatem aurum, gemmæ, & quicquid rerum, ac pretioſum diues India fundit, aliquando paritura ſint, vel ſtulte non animaduertant, vel inepte diſſimulent, vel perfide inſcientur. Longiſſime (mihi credite) ab hac hominum amentia, atque furore abſiit INNOCENTIVS, qui ab ineunte ætate ita vitam inſtituit, non modo vt mentē diuini, humaniq. iuris ſcientia, longeque pulcherrima, atque honeſtiſſima plurimarum rerū, quæ ad vſum vitæ pertinent, cognitione compleret; ſed ita animum virtutis, atque honeſtatis ſtudio excoleret, vt quicquid voluptatis titillatione perſcitur, quicquid corpus oblectat, quicquid denique impura, ac nefaria oblectatione ſenſum, animumq. permulcet, tamquam Syrenum ſcopulos euitaret. Facio libenter PP. AA. vt hinc potiſſimum mea ordiatur oratio, vbi excurrere, atque exultare facile poteſt; quod rarum, ac prope inauditum ſit, ita quempiam vitæ ſtadium recta decurrere, vt nuſquam offendant, atque in ipſo adoleſcentiæ flore, in illo æſtu, atque ardore

ardore libidinis, voluptatum coeno si non obruatur, at saltem non inquinetur; si non adhærescat, ne impediatur quidem; si non victus, ac defatigatus consistat, at non cursum, contentionemq. remittat; si denique non moriatur, non cum aliquo languore, atque aegritudine aliquando luctetur. Proni sunt hominum sensus & cogitationes ab ipsis pene incunabulis ad malum; sic prorsus, ut vitia quidem, atque flagitia non usu, & consuetudine didicisse, non alieno exemplo, atque institutione hausisse, non cum nutricis lacte fuisse, sed cum ipsa exoriente natura penitus traxisse videantur. At exitit aliquando, & annos plurimos in hac vrbe, in hoc orbis terræ theatro, in hac hominum luce, atque frequentia vixit, qui turpes libidinum motus, effrenatas voluptatis cupiditates, sensuum deniq. permolestas, ac importunas titillationes, vel nullas sensit, vel ita compressit, ut perfecte, atque incorruptæ continentiæ laudem perpetuo conseruaret. O, te, beatum, INNOCENTI, qui periculosos adolescentiæ fluctus quasi cuiusdam procellosi maris gurgites ita feliciter enauigasti, ut quod de Basilio, Gregorio Nazianzeno, atque altero Neocæsariensi Gregorio, viris sanctissimis accepimus, syrtes illas horribiles, ac pene innumerabiles scopulos præteruectus, non firmus, atque incolumis solum, sed integer, ac purus ad Rempub. accederes; ut iam tū quasi viro innocentissimo INNOCENTII nomen, quod tibi in Pontificatu non sine diuino consilio placuit, iure tuo deberi tibi quodammodo videretur. Itaque præter indefessam in cognoscendis, ac transigendis negocijs operam, diligentiam, sedulitatem, integritatem, fidem; ita suam Paulo Tertio Pontifici sapientissimo, atque acerrimi iudicii viro, bonisque omnibus, paucis annis probauit industriam, ut difficillimis illis, ac periculosissimis Ecclesiæ temporibus, quibus omnia quodammodo fluctuare videbantur, Auenionensi Prouinciæ, pro Archiepiscopo administrandæ præficeretur. Quo ille in munere quatuor annos ita laudabiliter posuit, ut singulari comitate condita grauitas, mixta cum æquitate incredibilis mansuetudo, cum potestate, atque imperio summa animi coniuncta moderatio, in rebus gerendis prudentia, in subiectorum animis leniter, benigneque tractandis industria, in periculis & prouidendis, & auertendis prouidentia, pietatis, ac religionis studium, victus singularis parsimonia, summa denique vitæ integritas, ac morum innocentia, futuræ laudis, & gloriæ quasi quædam semina, & huiusce postremæ, eiusdemque maximæ Pontificiæ dignitatis omina fuisse videantur. Quamobrem Alexander Farnesius Cardinalis Amplissimus, qui hominis ingenium, ac mores ex ea procuratore, tanquam ex ungue leonem agnouerat, non est passus, eum diutius in illo quasi orbis terræ angulo latitare, qui posset in hac Vrbe velut ingeniorum palæstra, maiorem cum sua laude

20 Reipublicæ utilitate versari. Hominem igitur in Urbem reuoca-  
tuum, in suam familiaritatem asciuit, & sua ipsius priuata negotia om-  
nia, & publicorum munerum maximam partem illius fidei, atque inte-  
gritati, nec ita multo post etiam Parmæ administrationem commisit.  
His veluti honorum, ac publicarum functionum, & munerum gradibus  
ad Neocrastensem Episcopatum primum Pauli III. iudicio, atque  
sententia, tum Pij III. auctoritate euectus, omnium in se animos, ocu-  
losque conuertit; vt qui iam tum communi omnium voce, supremo, ac  
summo Sacerdotio dignus prædicaretur. Audierat (credo) vel etiam  
ipse legerat (quid enim vir eruditissimus non viderat?) Beatissimum  
Augustinum ita in Episcopatu vixisse, vt mensa quidem sua neminem,  
nisi maledicos, & detractores excluderet. Idcirco cum ipse ab ea labe  
se præstitit semper immunem, tum eo morbo laborantes ita exosos ha-  
buit; vt ne illorum quidem aspectum sustineret; assentatoribus autem  
ita plane offensus erat, vt qui ab ipso aliquid impetraturus videbatur,  
si blande assentaretur, oleum (quod aiunt) & operam perderet. Mu-  
neribus sane, quibus à recto virtutis tramite plerique mortalium ab-  
ducuntur, sic prorsus abstinuit, vt leuiora etiā munuscula, quæ officij, ac  
benenolentiæ gratia transmittuntur, maxima ex parte recusaret; ne for-  
te quæ exigua per se essent, multitudine ac frequentia obruerēt, vel pre-  
ciosioribus donis quasi aditū aperirent, vel Episcopi certe fidem, atque  
integritatem suspectā redderēt. Neq; vero vnus Episcopatus finibus,  
aut vnus Regni spatij INNOCENTII gloria contineri potuit, sed  
claruit in celeberrima Tridentina Synodo, quo iussu Pij III. vna cū ce-  
teris Patribus doctrina, & sapientia clarissimis conuenit, indeq. ad om-  
nes Christiani orbis plagas, magna omniū tum prædicatione, tum admi-  
ratione penetrauit. Claruit apud Serenissimum Venetorum Senatū,  
apud quem auctoritate Pij V. Sanctissimi, ac vigilantissimi Pontificis,  
sex integros annos Legatum Apostolicum egit, eiusque Pontificis ad-  
mirabile, planeque diuinum consilium ineundi fœderis contra Turca-  
rum Imperatorem, vnde nobilissima, ac post hominum memoriam glo-  
riosissima naualis victoria ad Echinadas extitit, Venetis ita persuasit;  
vt quod factū difficillimum putabatur, opera, studio, ac labore, non lon-  
gissimo tempore perfecerit: vt illius tam claræ, atque insignis victoriæ  
magna pars INNOCENTII diligentia, industria, ac sedulitati  
debeat. Claruit in hac ipsa Vrbe, vbi Veneta legatione perfun-  
ctus, & Episcopatus officio solutus, quod illius calî inclementiam fer-  
re non posset, publicis muneribus ita præfuit, vt siue supplices libellos  
tractaret, diligentiam, ac sedulitatem non vulgarem; siue de admini-  
stranda Repub. consuleretur, iustitiam, ac prudentiam singularem; siue  
de fide, ac religione ab Inquisitoribus interrogaretur, scientiam, ac pie-  
tatem



tatem admirabilem; sue denique GREGORIO, Tertio decimo iubente, de imperij, potestatisque finibus responderet, integram, atque incorruptam fidem, & constantiam praeferret. Quamobrem is, quem modo nominasti, GREGORIUS, de omnibus quidem Ecclesiae partibus, sed praecipue de isto Amplissimo, & sacrosancto Collegio optime meritus, cum inuente suo illo in omnem aeternitatem memorabili Pontificatu INNOCENTIUM Hierosolymitanum Patriarcham declarasset; eo senescente iam, atque ad exitum vergente, maioribus illum, atque illustrioribus ornamentis decorandum ratus, cum viros vnde viginti omni virtutum genere, laudeque praestantes (ex quibus iam tres in Pontificatu successores habuit) in Purpuratorum Patrum numerum adscriberet; ingenti orationum approbatione, & celsioris dignitatis comprecatione, atque omine Cardinalem non minus auspicato, quam sapienter renuntiavit. Cardinalis autem creatus cum probe intelligeret, cum loci, ac dignitatis celsitudine proxime praecipitij ruinam esse coniunctam, multosque mortalium, aut cupiditatis turbine, aut ambitionis vertigine corruisse; volubilem (si ita loqui fas est) fortunae rotam trabali clauo defixit, ne ipsi forte sua volubilitate, atque inconstantia aliquando noceret. Quid expectatis PP. AA. quid suspicamini? quid mente, & cogitatione peruoluitis? Expectate rem quam vultis magnam, novam, inauditam, callide, ac sapienter excogitatam, inuentam, perfectam, ad omnes vitae rationes constituendas opportunam, ad memoriam saeculorum omnium, cunctarum gentium voce ac praedicatione celebrandam, dignam purpura, dignam thyra, dignam immortalitate. Vincam profecto expectationem vestram, praecurram omnes ingeniorum motus, ipsas etiam primas cogitationes praeuolabo. Video vos oratione mea vehementius commoueri: sed nisi certa omnia, atque explorata, & gravissimorum hominum testimonio, atque auctoritate comprobata narrauero, nolite credere. Paraueat ille sibi (attendite quae so hominis ne dicam ingenium; an pietatem, an vtrumque?) paraueat inquam, plicatilem tabellam, quam inter carissimas res magna cum diligentia clausam custodiebat; in cuius parte altera, moribundi hominis, animamque agentis aemula species depicta erat; in altera, elati funeris, atque exequiarum tristis, ac lugubris pompa cernebatur. at quorsum? Ut quoties illam spectaret (spectabat autem tum maxime, cum se in remotius conclauis ad numen propitiandum reciperet) toties recordaretur, quis sit honorum omnium, ac dignitatum exitus, quis terminus; toties intelligeret, quae veluti norma omnes vitae actiones & dirigendae, & metiendae essent. ergo ubi aliquid agendum erat, explicata ante oculos tabella, suorum consiliorum, & actionum omnium rationes, ad ineuitabilem mortis necessitatem, & ma-

& magni illius,extremique iudicij momenta examinabat: vt ne quid vnquam aggrediretur in vita,cuius ipsum postea poeniteret in morte; & quod maxime moriens probaturus erat, id vero dum viueret, prudens,ac volens amplecteretur. Neque dubitare fas est, cum ipse precepto illi parnerit, vt nouissima sua commemorarit, quin etiam fructum eius consilij vberimum ceperit, vt in eternum non peccarit. Hinc (opinor) pius ille,atque laudabilis INNOCENTII metus manauit, quem Beatissimus Gregorius, singulare putat integre,casteque mentis argumentum, qui ibi culpam aut agnoscit, aut suspicatur,vbi noxe periculum nullum appareat. Hinc eximius ille, pæneque incredibilis veritatis amor, quod intelligeret perditum iri omnes,qui loquuntur mendacium. Hinc illa tam constans,tam immota,tamque inconcussa æquitatis,iustitiæque defensio, vt non modo amori,aut odio nihil vnquam concederet, sed neque illius celsitudinis obiectu allici ad flagitium,vel iactura prope iam certa à recto deflecti,aut reuocari potuerit. Hinc vox illa plane diuina,quam identidem vsurpare solebat: SI IVS FASQUE in discrimen adducatur,vel cū honorum,ac dignitatu assentione contendat,se quidem facile quicquid infra Deum est, calcaturum, modo integra,atque illæsa conscientia ad extremum vsque vite spiritum perseueret. Hinc illa perpetua,ac firma diuini,humanique iuris reuerentia,vt iam Pontifex creatus, cum omnia posset,que Christus humane vindex,atque assertor libertatis, suum in terris Vicarium posse voluit; plurimum tamen semper sacris antiquorum Patrum legibus,sanctionibusque detulerit.Hinc illa cum seueritate iustitiæ temperata mansuetudo, quam præcipue in supremo fidei,ac religionis tribunali declarauit. Hinc denique præclara illa in omni vita æquabilitas, qua id consecutus est, cum vt vestrum omnium maximo consensu, ac pæne inaudita celeritate,secundo comitiorum die,ingenti totius populi gratulatione Pontifex renuntiaretur,tum vt ante totius Vrbs acclamatione,& bonorum omnium votis summo Pontificatu dignus iudicaretur,sic prorsus vt omnium propemodum gentium præiudicium in eo Pontifice declarando vestra suffragia atque comitia præueniret. Verum INNOCENTII Pontificatus brevis quidem fuit, sed sacerdotij gloria non vulgaris.Nam cum probe intelligeret,hoc à se nouum Pastoris munus efflagitare, cum vt populos sibi subiectos leniter,benigneque tractaret, tum vt à veræ religionis,Christianæque fidei septis, aut abductas oves reuocaret,aut aberrantes,suis,si opus esset,humernis elatas,ad ouile perduceret;nihil habuerit antiquius (Gregorianæ laudis æmulator,atque vnam etiam hæres) quam vt laxatis populo Romano liberaliter nuper impositis vectigalibus, de Barbaris ad Fidem conuocandis, deque hereticorum perfidia tollenda, pie,ac sapienter cogita-



cogitaret: neque cogitaret solum, sed re ipsa perficere aggrediretur. Siquidem & Iaponiorum Ecclesiam impij, ac nefarij Tyranni immanitate vexatam, sua liberalitate mirifice recreauit, & Bizantinum Collegium, siue Turearum conuersioni, siue Christianorum institutioni, ac solatio iam pridem animo destinatum, tantum non instituit, atque fundauit. Mitto quæ de rebus Gallicis ad seditiones sedandas, & ciuiles controuersias componendas, sapienter; ad subleuandam iam prope profligatam religionem, pie; ad pristinam, & auitam fidem, atque doctrinam reuocandam, apte; ad perduelles, & diuini, humanique iuris prædones, atque archipiratas vel fallendos, vel opprimendos, callide, atq; ingeniose cogitabat: cum vel extremam animam agens, & vix dum spirans, Pontificio muneri non videretur solum, sed maxime etiam incumbere. Nam grauissimo morbo, quo is bonis omnibus, atque Ecclesiæ vniuersæ ereptus est, moriens; cum iam ceteris ex paribus oppressa mens esset, tamen extremum sensum ad memoriam Reipub. semper referuauit: sibi ac suis (quos tamen grandæuus senex indulgentissime diligebat) penitus amisit: ipse per se caligantibus morte oculis litteras perlegere tentauit; sed oblatos supplices nescio quos libellos, vt moribunda manu subscriberet, integris sensibus, totoque animo pernegauit; ipse denique priuatarum suarum rationum oblitus, interrumpitis, ac morientibus vocibus, quæ necessaria videbantur mandauit, & publicas Ecclesiæ necessitate, ne tam quidē, cū Pontificatu, vitæq; abibat, deserendas, aut negligendas putauit. O Pontificem dignum in immortalitate, dignum æternitate, qui ad publica negotia natus; & ab ipso Deo quodammodo factus videbatur: qui cum antea cuncta vita, & multarum rerum usu, tum hoc suo bimestri Sacerdotio mortales omnes in spem magnam erexerat, fore vt INNOCENTII. Noni Pontificatus posteris omnibus ad memoriam sempiternam, & quasi perfectissimū exemplar ad imitationem præluceret. Atque vt taceam quid bonarum artium, ac doctrinarum studiosi, quorum ille patrociniū semper susceperat; quid Romani adolescentes, qui quidem litteris, ac bonis moribus imbuti essent, ab eius munificentia, ac liberalitate sibi iure pollicerentur; quid piorum hominum sodalitia, sanctimonialium cænobia, plurima, quæ in hac Vrbe visuntur, adolescentum collegia, Religiosorum familia, quid denique xenodochia sperare potuissent ab eo, qui ita ad omne genus pietatis propensus erat, vt cum in suis, ac suorum rebus parcissimus videretur, in ijs tamen, quæ ad Dei cultum, ac religionem spectarent, ita erat profusus, vt nullum neque modum, neque finem largitioni præscriberet; Quis non videt quanta spe deciderint omnes boni? Etenim INNOCENTIO Pont. lætabantur rei frumentariæ atque annonæ copiam incredibili Pontificis vigilantiæ, & cura vndiq; cõporta-

ri; exules, atque latrones nostris prope ceruicibus imminētes non tam ferro, & armis, quam prudentia, & consilio dissipari; pontificias opes, & Ecclesiæ patrimonium nouis legibus sanctius communiri; fidem, atque obedientiam à subiectis exigi, non pecunias extorqueri; huius augustissimæ, ac magnificentissimæ Basilicæ ædificationem magnis sumptibus strenue vrgeri; res tum Ecclesiasticas, tum ciuiles ad aliam quidem, sed faciliorem, longeque expeditiorem formam esse reuocatas; magistratibus nouas quasi leges, ac iura præscribi; sacerdotia non nisi probatissimis viris distribui; quoque id esset perpetuum, quādam esse rationem institutam, quæ propediem euulganda, certa quædam capita, & quasi canones contineret, quibus caueretur, ne deinceps nisi pii, prudentes, atque eruditi ad ecclesiastica Beneficia promouerentur. Sic vero sapientissimus Pontifex de sui muneris functione sæpe ratiocinabatur: Romanum Pontificem ita prouincijs sibi subiectis præesse, vt non Principis modo, sed pastoris, ac parentis optimi personam sustineat; ita consensaneum videri, vt quemadmodum ipse ceteris Christianis Principibus diuiniore, atque augustioris potestatis vi, ac maiestate præfulget; sic omnis Ecclesiasticus populus vitæ sanctitate, religionis cultu, ac fidei integritate ceteris omnibus Christianis gentibus antecelleret. Itaque mansuetudinem, ac benignitatem ita cum auctoritate, atque imperij maiestate temperandam esse existimabat; vt qui antea suis consilijs maxime fidens, suæ etiam sententiæ tenacissimus esse consueuerat, inito Pontificatu, cum imperio, ac potestate nouam quamdam docilitatem, atque facilitatem induisse videretur. Iam vero de isto Amplissimo Purpuratorum Patrum Ordine quam præclare sentiret, quamque eius tuendæ, ornandæ, amplificandæ dignitatis studio teneretur, quid attinet dicere? cuiusdam ille, à quo ego deinde accepi, seruo affirmavit, nihil vnquam Cardinalium dignitate, atque auctoritate sibi in vita carius futurum, modo sustinerent ipsi sese, neque indigne abijcerent, quam diuinitus acceperant officij maiestatem. Verum hæc omnia olim viuente INNOCENTIO fuisse vere non possumus affirmare: futura fuisse illo superflite, si antea vitæ exitus quoque respondere, si plurimi obiti magistratus ingenium, ac mores hominis satis declararunt, si ipsa Pontificatus auspicia similem cursum, atque exitum pollicebantur; nemo nisi inuidus poterit in dubium reuocare. Sed ætati quidem satis diu vixerat INNOCENTIUS; gloriæ plus etiam quam satis. Huic vrbi, quam tanquam alteram patriam diligebat, in qua tot annos tanta cum laude versatus erat, & quam sibi recentis beneficio magis deuinxerat; Ecclesiæ vniuersæ; de cuius commodis, atque vtilitatibus cogitandi, non prius finem fecit, quam animam efflauit; amplissimo huic Collegio, cui tantum tribuebat, quantum vix

quis-

quisquam alias ausus esset optare; bonis denique omnibus, egentibus præsertim, & calamitosiis, quorum salutem, ac hospitalem clementissimus parens suis, ac suorum rationibus anteferebat, putabat, immaturum non tam ereptus, quam ad punctum temporis, quo grauiori vulnere nostrum omnium animi confoderentur, commodatus, aut etiam eminens tantum demonstratus esse videtur. Neque tamen omnino frustra: tametsi enim quæ ad Ecclesiæ utilitatem & sapienter cogitaret, & prudenter cõstituerat, nedum ad exitum perducere, sed ne exordiri quidem, aut inchoare potuit; paucorum tamen dierum spatio quæ sint optimi Pastoris, atque Pontificis partes, non tam voce, & oratione, quam moribus, ac vita declarauit. Cum autem multa videntur laude, atq; admiratione, longe autem magis imitatione dignissima; tum hand scio an quicquam sit, quod INNOCENTII vitam, & Pontificatum magis commendaret, quam quod vir alioqui sui sanguinis amantissimus, & imprimis indulgentissimus in suos, non modo ab officio illorum causa nullo vnquam tempore recessit, sed in hoc dignitatis culmine, ac summi Sacerdotij fastigio constitutus, ita de illis & modeste, & demisse cogitabat, vt subita, ac prope inopinata mors, non tam thiaræ fulgorem, aut huiusce sublimis dignitatis celsitudinem, quam hanc illi tam singularem, atque eximiam laudem præripuisse, atque inuidisse videatur. Porro cum ab infantia pietatem aduersus Deum egregie semper coluisset, eandem Pontifex creatus ita religiose retinuit, vt ne decumbens quidem nocturnas, diurnasve præces statis horis omiserit: cumque ingrauescente morbo Medicorum consilio, atque auctoritate ijs abstinere cogere, illas tamen coram se iusserit integras recitari. Augustissimum sane Eucharistiæ Mysterium, diuinamq; Liturgiæ, tanta veneratione, ac cultu prosequeretur, vt cum nihil magis haberet in votis, quam Missæ sacrificio (quod ipse dum vltimeret, ac videret, quoti die feruè frequentabat) interesse; antiquæ tamen grauitatis, & præcorum Canonum non immemor, eo tam sancto, solidoque gaudio carere maluit, quam permittere, aut pati, vt in eo, in quo ipse iacebat, cubiculo, Agnus ille celestis, qui mortalium omnium scelera abluir, semel, aut iterum litaretur. Quamobrem sacrificari suo loco, & ad se Hostiam salutarem rite deferri iussit, quam, quoniam percipere non poterat, de more religiose veneraretur: vbi vero naturæ vim, ac Medicorum artem, morbi malignitate superante, de procurandis Christiano ritu sacris, animoque expiando monitus esset; primum quidem negauit se ab eo die, quo sacram Synaxim perceperat (is fuit Christo nascenti sacer) vllius sibi noxæ conscius esse: tum quasiuit sereno, ac tranquillo animo, vtrum earum rerum tempus adesset, quod vbi aduenisse cognouit, ceterarum omnium rerum curis abiectis, rite omnia cum peracta essent,

sent, nullum deinceps aut auribus fermonem, aut animo cogitationem admisit, nisi ijs de rebus, quæ ad animi salutem pertinerent; cum etiam paulo ante non semel facessere iussisset quosdam, qui ipsi nescio quid de priuatis rationibus insufurrabant. Meminerat enim, eum à Christo Domino fidelem, ac prudentem seruum appellari, & dignum qui in multis, id est, celestium, ac diuinorum munerum possessione constitutur, qui in minimis, hoc est, terrenis, atque caducis dignam tanto mune re fidem, atque integritatem præstitisset: quam cum ille nullo umquam tempore violasset in vita, mox ante omnium Iudicem sistendus, in discrimen adducere nequaquam voluit. Sed finis sit: nam mihi quidem venit in mentem vereri, ne Deus immortalis, nostris flagitijs, atque sceleribus acrius indignatus, tanto Pastore Ecclesiam spoliaret, quod eam graui aliquo supplicio, breui aut probandam, aut (quod omen maxime abominamini) decreuerit esse mactandam. Te vero in hac mea extrema oratione appello INNOCENTI, siue in illo iam Beatorum concilio (vt auguratur animus) immortalis viuis, siue propediem omni labe purgatus, multoque in hoc Pontificio solio lætior es confessurus; te, inquam, appello, qui & clariori luce perfusus, & vehementiori caritate inflammatus res mortales neque negligis omnino, & Ecclesiæ procuracionem sine formidine, sine labore, sine solitudine adhuc sustines; petoque à te, vt hanc Urbis totius collacrymationem, pauperum, ac viduarum fletum, & veluti in communis parentis funere, omnium ordinum eiulationem, bonam in partem interpretere; Ecclesiæ olim tibi commissæ causam apud Deum Opt. Max. quantum potes (poteris autem quantum diuinitus tibi, ac tuis plurimis virtutibus, atque promeritis concessum fuerit) promouere ne desinas: vt quando ipsa per te didicit, & quantum amiserit, & quid potissimum debeat optare, votis etiam suis te maxime agente, te duce, atque auspice aliquando damnetur.

## L A V S D E O.